



Wen 't Meimoand woar

wen 't Meimoand woar
ging bei os heem al vreug 't wekkerbelke
da wos me dat me op moeët sjtoa
um op zie zondigs aagedoa
d'r gank te doeë noa 't kapelke

d'r weg d'rhin
trok zich waal lank
vuur kotte kingerbing,
vuur woare duks hoûf wakker koom
mar kanke giddere sjtroék en boom
vanaaf de kerk bis aan 't ing

i wink en weer
moeët da d'r sjtoet
durch peul mit water treëne
en oonger perrepluus gans braaf
troon me zich soms de tieëne aaf
en koam nit veul va beëne
mar mieêstal sjeen
al vreug de zon,
da leek d'r weg vöäl kotter,
vuur holen 'os get langs d'r rank
zoeëdat me ketskes plukke kank
of ginster geêl wie botter

vuur vlochte meiblumkes
tot krens
en huppelde wie gitjes,
vuur seerden 'os mit blommესjlinger
en volten 'os wie kueningskinger
gekroeënd en in os zondigsklidjes

hoeëg boave
op d'r Leenderberg,
doa, woe d'r busj zich dilt,
sjtong de kapel al ieëve lank
en trok d'r sjoet onger gezaank
noa 't hillig moddergoadesbild

dat hool i Mei
zieng poat wied oape,
blomme en keeëtse sjtonge kloar
en d'r bezeuk al aangemeld
wen uever busj en uever veld
oét groeët en klinge monk
ave maria klonk,

weersjallet wied dea stummekoor
't s'murgensvreug, wen 't Meimond woar.

Marijke Ozek - Gulpers
(uit: Gedanke van ing Landgravin)